

鮎

埼

亭

詩

集

結埼亭詩集第九卷

甬上全祖望紹衣著

五令君詩

以下双並  
山房夏課

乙丙之間甬甸百六生民莫保殘喘猶幸五  
令君者皆仁人也五令君曰職方無知鄞縣  
濟人秋水表侯州佐曰職方兼知定海縣南陵  
人螺山王侯玉藻曰職方兼知定海縣南陵  
戈江朱侯懋華曰御史兼知奉化縣吳人盧  
谷顏侯之俊曰職方兼知象山縣葉人如國  
姜侯圻王朱顏皆甲申以前所授官國經尚  
存其姓氏表姜則出東江之版授遂無知之  
者是豈却民之所可想  
然已耶乃各繫以詩

二靈雲蒼：嘉澤祀皇：至今錢湖葑居然召伯棠

詳見曾大父太常公  
乙丙之際存湖錄

大義絕賊臣私恩寧足紀斯意關綱常保障其細耳  
螺山非其房師之從逆者當時甲乙科中人多以爲非不知君臣分義先于師生是乃所以扶持正氣也  
朱侯真幹才生嘯鎮海濱笑謂王武寧高牙空虎視  
爪里仗義援同仇首刻源崎嶇嶺嶠魂未忘茲彈丸  
虛谷從亡入閩：亡入粵間開畫麟而死

姜即忠臣兒一官竟賣志我作先祠銘尚六先義憤  
予方為其先忠肅公祠堂碑銘

其亭約為蜜岩一帶之遊予謝未能也是日偶

和故太常莊公九月二日詩

毫社當年萬古愁城門軍散弔延秋灰心已分孤臣

歿續命遂因宗國曲不道微行遭婦口定傷多事載  
吾頭明朝正有溪船約腸斷休為二皎遊

偃月堤夜泛

大火蒸雲苦晚潮浴月涼慶豐樓上酒同發妙蓮香  
賀監定不歿時亭豈可荒南鳥正三匝一曲思蒼茫

再和漢晚太常詩

空山循髮訴牢愁為道秋今非我秋夏肄更誰完百  
粵周遭枉自愧双留不堪東望長垂翼祗合西歸亟  
掉頭三復林生大還句居然騷些共神遊

暑甚不寐

夜色渺無際廓然清我心夜香一枝放翻嫌昵我襟  
夜氣滿太虛間誦香銘歲

三和漢曉太常詩

茫：望帝結春愁百鳥分愁直到秋試看沙虫祈速  
或誰言山鷓肯遲留赤符那得共鯨背白版虛傳瑞  
鯉頭刺有流昭中國語詩人捃拾供清游

諸子追和莊太常詩成卷為題其後

諸子清才善寫愁吟成老氣各橫秋三閭竟尔乘虬  
去一壺四緣附驥尾在昔人爭憂裂幘于今吾極愛  
科頭剩餘脉：昭忠志白露蒼葭好溯游

七夕前七日作

天公幾日秋  
晉鄭頭畢白  
候虫獨欣然  
爭鳴滿四壁  
我亦無如何  
一夜吹長笛

大塊感噫氣  
於以成商飮  
是噫從何來  
牛即訴不平  
乃知一物閑  
足以擾清寧

衰病正連縣  
撫時增蕭瑟  
前有一樽酒  
不醒積毀骨  
連朝風雨多  
芭蕉益愁絕

楊氏脩園

太僕佳公子  
風流別墅閒  
神鴉猶護樹  
怪石已爲灰  
楊園中花神  
祠今地踞  
雙湖勝人稱  
一代才誰傳  
猗爲里社香  
火極盛

兒語吟眺幾徘徊

嘉則先生詩呼伯翼為掬兒難與爭鋒

沈氏暢園

尚寶好兄弟超然謝黨論嘉名分袂帖小築傍空門

文恭諸子當天啟時俱能自拔于浙人衣鉢之外不求進取其放懷詩酒亦可尚也園中題署皆取袂帖

語尚有懷寧墨能污貞士魂風騷今雨散蔓草滿城

根阮尚書大鐵典文舍人啟美堂偕寓茲園唱和阮文臭味不同而以絲竹之好相連綴詳見暢園志

中

陸氏意園

在昔浚儀長出居宵輞川花連堤上錦雲接洞中天

南岸為先宗伯柁花埋西岸鳩據因多堆鴻冥遂香即史文惠王之真隱洞天也

然我來覓陳迹重說義熙年

武城以國難故播遷不  
這是國運為降臣所有

七夕鈍軒集同人祭蒼翁于隱學山房

今夕是何夕良辰好祭忠秋江湖汭壯銀漢女牛通

耿々扶綈志堂々磔示功我歌降神曲天半吐長虹

蒼翁正命之辰重九前二日也同  
人聚散無常故不能盡同此日

為嘆五君子天中畢命時共姜宣母教樞使有孫枝

姻姪清門重賓寮合食宜多情杖群從聊以慰陵夷

是日配食為若思先生共姜若思母同太安人  
也大部詳予所作傳姻姪即見蒼水哭若思詩

正翁洵舊德扉屨幾傾家掉首辭塵劫低眉誦法華

薇應清似栗梅亦夭于瓜此日陪靈馭寧懸傳望槎



鉅軒曾祖正先大行晚受戒于大梅法幢禪師與相  
滅方子的華並稱上座是日別設伊蒲食以配之  
招魂如可作移檣不須嫌故國無星大伊人在水簾  
欲推辦香力適為國殤指時待禮成日新題樂府  
時予方議合祭甲乙以  
後二十八忠為之立祠

寶墨齋看蕙

臭以同心合香叨東壁分秋來倍爽潔病後易沈醺  
倘許幽人佩休令王者聞為君鼓一曲珍重十年薰  
君山謝退部之  
錯己十五年

萬竹山中訪故少叅夢章羅公避地寓

剡源清絕處傳是使君居辛苦畫江後章皇蹈海餘

周黎猶被蔭蜀道竟何如合有甘棠祀同招海岸車  
吾鄉卽推之應祀者海岸黃忠潔公而少泰之有功  
于東江生文雖異其忠一也萬獲安云少泰兩成後  
衣冠不改尚能為諸遺民之寄居剝中者所托庇尤  
不可及海岸大節登于明史至少泰則泯然矣馬之  
嘆三

鈍軒索題小照

風流公子重清門衫袖都成書畫痕莫以華顛嘆遲  
暮依然慘綠映朝暉

飄蓬我亦媿前盟那得丹砂一昔成只有飛揚心氣  
在彼園約畧見平生

偶示諸生

十年未得去矜心把卷誰為上  
蔡箴亦有差強人意  
處經々不作導諛音

沈即曾有膏肓語為讀君詩長傲多  
幾度沉吟難自

克江河滿目正頽波

吳江沈果堂微士謂予讀鮑靖亭集能令人教然亦能令人壯

得失相半予甚佩其言

拓落泥塗我自甘斯民蕉萃是誰慙  
群公定有經綸  
在可許低頭子細參

榆林村中吊戴帥初

剡源老子師傳盛曾從  
具瑤復厚齋洞天福地釀清  
氣殘山剝水傷老懷感淳  
百年遺民貴至元一出晚

郎華而今文統將誰寄紅樹黃泥漫滿嶺  
為初祇得  
國經承李氏宋遺民廣錄之誤改  
入隱逸甚不合當以舊志為是

新得袁伯長學士研試筆賦之兼示配京冲一

兩茂才

珍重清容研曲連延祐餘曾調靜寄墨及侍友恭書  
樞使門邊古南湖池榭虛一區今屬我奚翅百璫璵  
此地溯文獻陽源最長雄史存梅硯窖經發竹林簡  
呵護欣無恙煙雲尚不窮故應靈淑氣長吐石田中  
聞昔新河啟高才遂挺生天心憇磽确地肺應文明  
日選花磚前山披石質瑩猶從傳頻扈從橐研度開

平相傳端平以後堪與家言慶元城西若開  
新河一道當生大文人及河間清容生

前輩淵原盡誰其足嗣音留畬如不急阡陌豈難尋  
忽々中哀恨蕊々後灰心同時期二妙一振式微吟  
配京贈研先以長句一首未之和也翌日更答  
之

我欲銘研幾踟躕前光後輝媿弗如安得好句鳴瓊  
琚綠髻盧郎才思雄滌研題詩雲蓬々我則奚堪徒  
怔忡由來文章千古事清容町畦豈易至聞道登壇  
奪彝年研溪在々孕青蓮大兒奎章虞道困小兒中  
司馬石田鷗波王孫僅隨肩左右先後研席間此後

拓落向阿誰蓬飄梗定堪悲清容魏魄亦安歸我  
今丹：蓋荒學合六州鐵不鑄錯研中光氣方氤氲  
但當為君拂拭勤代興之語惡敢聞

配京和賦伯長學士研詩因惜抄其集

斯文應有寄我老已將休為撫遺編在寧徒一研尚  
膏肓歲五失師友重千秋此意沉吟久無為石丈羞  
六詔山深處玉卽故物存誰披被水帖又遇越公孫  
十笏精靈聚中原文獻尊需君學成日重酌片雲根  
剡源第一曲曰六詔有玉右軍研見  
舊志而學士集中評從帖最為精審

老友董映泉挽詩

與君共和太帝詩爭美崢嶸老鶴姿危腦忽傳妖夢  
踐奴、又作挽君詞

清門兄弟俱僑札醇德終當數長公最是斷腸身後  
事墮樵遺秉亦成空

老去精思審六書直探皇極鏡何如而今撒手空行

去脉望翩然返太虛

君老而好學故從予請求託氏  
皇極數學因探數韵諸圖之蘊

予遠遊未果  
而君逝矣

濯浦鄭氏秋丁祭黃子

黃子澤五世于今已一絲閣下木樨花秋來放幾枝  
嗟我勵私淑未得揖讓于其時

張二茂材炳和予清容研詩答之

念尔通家秀孤吟秋樹根風流亦猶庶心事向誰論  
近狀蕪田困先疇黃石存遂期崇耿介特遵重清門

截山諸生來訊

以下帖經  
餘事集

臯比未煖旬、去慙愧猶縈去後思舊學商量無別  
語莫將輕俊玷清姿

多師未必真求益不若歸求自有餘試到十年養氣  
後更參斯語定何如

田和遇謁曲阜挾妓楊宛以行其碑今尚存末  
有宛詩賦而志之



田即寵靈伏一女乃敢呵詈及盈廷其時盈廷或可

詈不知田即何所能

碑文盈指百官之庸科舉取士之誤國

循碑雜誦

得妓句自古無人得未曾九原如遇孔中丞一煙定

沈林腐腥

瓶花密雨集天台寺僧適以鹿銜草至甌亭索

賦分韵

小草曰吳風其來自洞天遙々千年鹿見之口流涎  
藉以金庭芳沃以桐柏泉一莖足療飢十莖足忘寒  
久々遂跨鹿御風遊層元寺僧日拾之珍重裨枝前  
時從綺霞中一接紫柏烟道力兼佛力妙合弥神完

詞客一見喜擬取投餽船向我微字故欲補桐君篇  
鴉銜足消毒蛇銜足摧聖龍銜足導氣功效各有傳  
惟群動有鹿亦最夸長年其類為群麋嗜好伯仲間  
解角候雖別口澤頗同然我聞其賦材上稟鶉鳥躍  
陽冰豎陰大道在互節宣謂宜參二冬和齊乃無愆  
或者妄解之貽誤不可言草性溫頤或誤  
為涼則誤甚願君更致  
詳折衷訪臚仙吾哀已冉、百憂感纏綿鹿亭大小  
並力不振積屨何當度閨風長嘯棄塵緣今夕且聽  
雨蕉窓漏澣、

煨芋分韻

蹲鴟真清供殊校晚肉潔其魁大于瓜其子員于栗  
受其素心無足飽餓餐上之應昂望下或謠鴻隙  
菜以百斛充招以三年黜亦何足賊人許氏言未覈  
客舍腥壺希齋厨宿火活燔之通中堅蒸之消內熱  
寒烟映暮山元氣滿淨室審候宜紆徐導和防苑結  
意味既疏通皮毛斯解脫名理悟空靈禪力驗充實  
其在伊蒲中盤趣豈怡悅切莫似馮即使與蘿蔔特  
已公儒晚來大恒和尚相對正蕭瑟詞客更聯翩聽雨敲  
不絕荐盤何累累下手爭勃、魚鼓正沈沈先取祭  
老佛談泰水晶盞双清有如雪但覺道腴盈更無塵

思汨斯人苦章皇大半為舖吸安得擅一區阻飢不  
足休便旁瓦鑪灰粉之消寒冽此意足沈吟簷窗響  
瑤屑阿誰習老饕杯炙耽殘褻攢眉乞破戒失望竟  
咄咄法而我但催詩白戰亦奇崛

大恒招集南屏分韻

試看南山色連朝倍老蒼青霜封曲磴黃葉下空廊  
旅客游方倦寒虫蟄漸忙昨聞開酒戒來過遠公房  
是日大恒為  
干破戒置酒

題陳秋濤相國墨蹟

公昔張空拳思以振赤符赤行識不驗滄海為之枯

天底誰能與志士枉受屠唯是桂林爐仗此稍支吾  
畢竟延一綫東僵西則蕪連衡張陳霍旁暨韓麥徒

張公家玉陳公邦彥霍公師連韓公如璜麥公而然以致惠國公翻然成改圖

孤忠天所鑒識亦未盡証卷中詩云世事予多識浮生亦有天當是公甲申後

作南極竟渾一百年拱車書尚有妙墨寶流落漸江

隅寒芒而正色英爽與之俱番禺耆老盡文獻誰為

儲秋痕隨秋去剩此灰劫餘相國所作詩名秋痕連呼玉盡又

收之緘中厨

望谿侍郎輓詩

前年我過涇園中先生由我開經筒七治儀禮老未

竟上糾康成下繼公惜我投閒空咄咄戒我浪遊徒  
奴、連我著書漫忽忽倚杖而嘆神態、東西宿老  
淪落盡端然靈光世所宗其秋示我新雕集寄聲此  
山錯可攻長箋亦聊貢一得謂以寸莛叩巨鐘譙光  
一一盡刊削再索直言資折衷三江迺、未盡達豈  
期妖夢告蛇龍昨秋予以先生集中商榷如千條託  
朴山先生寄之不料其不達擬再寄  
不遺世行世僅十五尚有秘篋半長虹由來舊德為  
時重雖復不用亦有功試看浮玉山頭色一夜愁雲  
冥濛、江東有客近悔過欲齋絮酒哭幽宮尉它拜  
表去黃屋孰與漢天啟怙終我詩寄聲到蒿里先生

一笑降虛空

望浦向不見得予先生頗捧異議及聞赴嘆曰吾方欲之秣陵一拜床下不料

願竟不遂長負此愧乃以文哭之自道嗜昔

題張丈亞齋手校漢隸釋源後贈施六上舍北

亭

讀書識字今所希施即死、忘其疲六藝妙處豈不  
朽上函雅故通精微行山堂中大布衣泐然苦心追  
籀斯七載寒窓校漢隸欲以赤手報妻嫠卹柳桃菜  
紛謬誤我昔泛覽多問題二首六身豈易曉一束二  
縫亦難稽五日之門歷所誦三豕之渡史莫釐馬尾  
席穴充談助落筆茫々空累唏吁嗟小學已廢絕我

亦有目如霧迷昔者襄陽近臨川署名猶為世所識  
王陽謂米顛錯寫希字而北亭亦施即何處得此本  
笑臨川先生名不常用俗體終字老眼恍然逢珠璣行山遺書已四散淮浦帶草堂離  
離神呵鬼護幸存此一朝靈物得所歸巧偷豪奪世  
不少尚其室之防速飛  
北亭以予之愛之也乃以贈予即為其尊先人墓銘潤筆  
予詩遂  
或佳話

長至日展蒼公墓同江穀用離合格

九沙仙去後瓣香過者希觀察真多情偕我踏山蹊  
謝山致今日正南至一陽氣霏々太史多雅懷未省  
江穀朱鳥飛  
謝山江穀答墓前磷砢亦是故國儀一枝惜孤



忠星大以為依謝山承聞豐狐筆已草黃絹碑明年速

上石長作山中輝江毅

### 病中三首

疇昔負壯志寧啻遽就衰二毛嗟早見一病盼春回

自舊年沈疾後蕉萃遂不可振哀樂偏多感升沈不待推尸居墓姑

射何以絕塵埃用止齋先生語

聞道長安信微書下石渠遺經增氣色左席寵師儒

一洗專門陋寧愁六藝蕪膏肓吾自媿廢疾不堪扶

時有致請公見推之意者即以此詩答之

到處山陽笛淒然感客心此生豈金石幾度悵人琴

試問歲寒客誰投空谷音便教長老健顧影已蕭森  
銑軒為俞四蜚殺画雪中高士圖索題

高士愛冬不愛春落々冬心冷愈醇坐笑春風野馬  
塵自冬發春乃長新千山萬迭踪跡絕冰既清絕見  
天根寒厓之叅抱凍蹲中有鴻濛木介痕百昌不復  
能氤氲誰知老子心脾愈淨骨愈尊是誰勝六誰葛  
三造化小兒遭來伴吟魂山鬼珮々喋不語但見崢  
嶸鹿角橫黃昏暗香疎影自怡悅忽然老雀一椀憂  
然下天門力能通乾而流坤萬籟盡泯我獨存底問  
北枝為弟南枝昆冬耶春耶一笑歸混沌

即事

神州舊說江南好十載題、望幸殷一自中天消息  
降山增金碧水增雲

庚午歲朝

吹日吹雪犬譁然嗥南嗥北客不前老夫所憂在無  
年稚兒不解事應門索紅箋

逸田以人日祭蒼翁得三絕句

春來猶自怯霜風人日題詩時信公畢竟擘蘭家法  
在細拖七種菜叢、

最憐民部游仙日正是元樞授命年地下双、埋碧

血人間久：發陳編

華屋山邱一望中誰來城北吊遺忠張徐楊葉都零

落剩有平陵松柏桐

張遺民徐石耕楊竹畝葉天益皆居城北附近尚書里第今其

後人俱亡矣

配京書齋故寒厓先生居也不可無詩

聞君熱膏地舊是寒厓廬將無承塵上或有戊子紀  
事書吁嗟小江一坏土嘿農諸公陟降俱

偶然作

近葵師臣苦猶疑未乞休將無恁香火朽骨尚依周  
疏傳真高蹈恩榮擅始終由未能審分不敢望功宗

弓劍今蕉萃還為國辭憐橋山遙在望回首一潸然  
病甚有作

老夫春病太咄々無處告訴但支離偶然欠申不自  
覺盲風間道窺心脾

昨宵舌本赤燥怒流血驚怖双牙閤或者渙去惕亦出  
天心俯憐賀老頑

舌間無  
故湧血

昔人欲心如槁木今我已槁乃愈危乍疑方寸已戰  
裂安得膚寸春雲垂

心氣忽々告  
盡異事也

仲翔骨節原生硬病裡猶添觸迂多幸未折腰已若  
此倘教束帶更如何

湘東一目已卽當何堪更晦半面粧從今合眼亦自  
好更莫奪我靈府光

三千丈髮且半白忽然作楚堆按摩絲々細擢罪莫

悉一握任尔勞婆娑

髮痛甚怪

世間萬事我何豫其奈百感偏嬰心此病天痼不可

療扁佗束手空沉吟

亡友姚薏田嘗言予病在不善持志理會古人事不了又理會

今人事安得

不病

諸生未了傳經業幾許閑情在替人莫似老夫中暴  
棄桑榆潦倒魏先民

配京借抄東發史稿列傳十篇子家所勵有也

抱遺老子趨庭日賣馬曾聞購日抄一卷遺文泰宗  
史問君何以報瓊瑤

徐錦衣花乳石印譜

弯弓沒石志未遂揮刀切玉藝亦奇此是襄陽未埋  
血雪泥紅爪尚離

明宗室隱頭陀馮文信公像故民部董次公先  
生物也

南嶽諸劉嘆道窮重摹王燭威孤忠懸知燕市光明  
相跨雀東來聽匪風

次公有匪風集詩

八赤舟中東薊林

以下病月集

天子親裁錫類詩  
華堂畢誦錦端時  
惟牛我自知難  
逮只合空江理釣絲

木雁遭逢豈可班  
蓋居材與不材間  
故人爲我閑  
情處莫學瓊山強定山

鮎埼亭下戶長扃  
未灰心猶在六經  
但使稍能窺墜  
緒餘生不敢嘆沉冥

駒隙難將歲序留  
相看霜鬢各盈頭  
益公爲待明農  
日重約誠齋共唱酬

鈕經國爲藻川作

吾友子張子新成  
幽頌箋留畬識元  
化箕豆戒蕪田負



郭無多產逢秋別有年  
忙時我止宿難黍足欣然

慶湖課耕圖為秋塍

朝過梅塋午麻路  
別製秧歌被耦犁  
我亦來分餘餽  
好湯公祠下啖豚蹄

蓮宇先生再入政府

清德人無間孤根  
帝所知重膺左席  
召不待大廷  
推民力方憂救天災孰與吏  
望公調玉燭晚節在斯時

雨中江穀護林堇  
浦竹田雪舫雲亭過飲篁菴  
叢桂香隨暮雨沉  
旅人獨坐正蕭森  
相逢舊雨皆華

髮並奏清商。寫素心。米價未平。愁歲歎。江湖大上識。  
秋深精。監喜與塵氛隔。且擘鱸魚供醉吟。

嶰谷北行同人分賦行裝予得油衣

客裡難教用瓦精。偏逢雨雪送長征。襟分薜荔牆頭  
色。袖作芭蕉窗外聲。渴日若升應棄置。漏天未塞足  
孤行。故人此日齊東道。愁聽簷花落五更。

穆堂先生下世欲作挽章不能盡所欲言援筆  
輒泣然而止。再：一載卽上寓中得三首亦  
竟未足抒予痛止。

坡頴好兄弟。終身酬克公。後來陳正字。沒齒感南豐。

魚書  
薄植寧堪比深恩實可同重江素車隔何日拜元宮  
我有願天語蒼々遠不聞終難遺一老殆欲喪斯文  
大鳥臨江介妖星入楚分最憐用世志百折尚殷々  
淮上分襟後長愁十載多心期已孤負音問亦蹉跎  
絕學知誰紹雄文定不磨墓門雖寂々正氣表山河  
著老書屋分賦梅事予得吟梅

徙倚南枝下霜髭斷幾莖有香慰幽獨無句寫孤清  
雪釀高寒景山深太古情微吟猶未竟天上已參橫

鮑埭亭詩集第十卷

甬上全祖望紹衣著

東粵制撫以天章精舍山長相邀辭謝不得齒

髮日衰乃為五千里之行非予志也

以下度宿集

忽：暮春日茫：五嶠行迹前書帶草遠別最閨情

張生瑤暉頗不欲予速行

此去特謀食授荒作遠遊解嘲姑漫語好為訪羅浮

衰病畏行役屏營足不前杭生真邁往先我已揚鞭

時望浦有粵秀山長之聘先行

嚴灘

在昔紫薇翁說詩白雲原紫薇已仙去白雲滿江村  
荒江撫木末尚有魯公魂我亦酌卮酒一吊謝生墳  
豫章小泊欲過哭孺廬學士墓下不得

弭節望東埂西州涕泗多素車吾有負元冕或來遲  
莫報恩如海應憐髻亦皤奴奴感隣笛落月滿江沱

東埂學士  
村居所在

吉水道中

沂江西上去極目路漫漫岸泊山根穩天浮水面寬  
荒涼知瘠土蹭蹬識驚灘沈復石尤阻弥愁行路難

賴閔

時昔憐楊萬室將螳臂殘功應倖墨翟志未遂田單  
往事魚羊劫遺民心膽寒沙場百戰地試上權閔看

### 大庾

此地亦絕險開荒賴始興古梅却不喜行李被荒塍

### 紅梅驛

吳公持節真瀟灑手種南枝萬五千何物督郵堪領  
受故應泥首酌梅餚

閩中艷說楓亭好未若臺閔清復清敢以風塵輕下

吏美人高士共通靈

楓亭驛  
在荔

梅花北去多為杏誰道南轅亦有然聞道瓊臺送六

出稽含狀裏未詳箋

### 海珠寺

落、三浮石相望鼎峙尊由來分地肺何處沂雲根  
日護朝臺影潮喧估客樽寺前古榕樹消暑足昕昏  
三浮石謂靈洲  
海珠浮丘也

菊坡不可見願得見文谿又復五百載吾將誰與齊  
孫枝遍嶺嶠栗主傍招提尚有殘編在寒芒映彩霓  
寺有李公  
昂英祠

聞道炎興日軍鋒門此間挽櫓賊佛火矢石躡鯨閭  
小鳥難填海愚公浪徙山三忠當勝國亦復踵殷頑

梅園小集

由來百粵士多艷說梅侯臺嶺南枝放珠江遺愛留  
尚餘湯沐在正旁水雲出此地蕭閑甚披襟散百憂

天章精舍釋奠禮成示諸生

魁儒時昔降神時紫水黃雲天命之世遠山川長寂

寂投壺誰唱代興詩

雲水為白  
沙之瑞

瓌奇多學數瓊臺底事三原忽見精力鍛石翁尤可

詫辨香姑舍莫相推

時多以瓊山不  
豫祠中為疑

秦泉高弟稱盧子尚有遺書歷劫存怪殺圖經遂滅

沒我來重為荐芳蓀

盧太守冠嚴所著猷子偶存深  
造自得之言南海志棄竟無為



立傳者子始  
表而出之

清瀾雅自居朱學：節成編世所傳此是當年執政

意真儒定論豈其然

泰泉不喜陳王之學出于意見不合清瀾則投政府之所惡而

攻之  
醜矣

江洲極口排貞復不以枋榆事黨同方信石翁真世

嫡肯將葱嶺玷宗風

由來報本重先河此席功應首見羅曾以講堂爭去

就蕭寥香火竟如何

瑞州精舍始于李公方守嶺西所作其後以督府殷正茂不喜

講學拂衣去官今粵人無知之者子近討論先師但列粵中諸儒而未及于莊斯土者然見羅斷不可恕

然也當  
補行之

九日諸生請予登高於定山予病未能也梁新

謝天申黃文各有長句一首予亦同賦

秋來蕉萃倦題糕諸子行吟興各豪五嶺炎風宜落  
帽八能清韻在登高東籬何處尋黃菊左手相看握  
巨螯我以挾天閣上望七星嵐翠自周遭

送耜堂掌教新會

沂水春風自在天白沙窓授更誰傳張林湛李都零  
落木鐸消沉三百年

年來絕學已榛蕪大雅危輪好共扶目送君舟自佳  
返端溪涼月夜牀孤

木蘭花下共論文曾為諸生討論殷此去正逢冬日  
好霜橙露菊荐黃雲

越公墓下信公祠填海道編試問之淒絕鷓鴣清夜  
泪一樽為我酌南枝

江東粵秀講堂開定有雄文足起衰不道一時齊度

嶺浙宗和會廣宗來

陽明甘泉同講  
學時稱為二宗

蓬萊香吏正鳴琴主客遭逢定賞心倘有唱酬成別

集老夫采興便相尋

謂張  
惕菴

### 遊光孝寺

仲翔負直節垂老乃投荒飢啖荔支寶渴飲訶子湯

未知粵後進阿誰為登堂至今寓寮畔書帶尚成行  
我亦龍巖人南來漫鼓篋浮屠不知儒但祀六祖塔  
粵中之梅祖臺嶺而宗浮山然其餘郡國頗稀  
少予至瑞谿因憶海目詩中言官棠山中多  
古梅官棠海目之別墅也今未知存否乃語  
諸生訪之

嶺外梅花自古傳而今花事竟蕭然每當雪白風寒  
日孤負參橫月落天開道官棠多佳植舊知詩老有  
流泉何啻蠟屐同探去倘結瑤華歲晚綠

即用江洲先生詩

有以魚凍柑未餽者粵無柑實即橘也而冒以

為柑指其小者為摘詩以正之

千頭不下洞庭甘魚凍尤于霜後酬粵客未通韓氏

錄錯將朱橘喚黃柑

宋韓愈直南橘錄

病甚偶然口授侍者

春來蕉萃木蘭花稿盡三冬金粟芽即此便同官舍

鵬先期早為報長沙

予憲前有木蘭花一樹甚愛之新歲始放花忽稿

誰言獻歲已無旬不見南中草木春亦與吾共蕭

瑟蛩風蚤雨或酸辛

示諸生

辛苦諸都講相、問起居稽疑頻筮易侍藥親觀書

共學情原摯當歸恨有餘服勤真古誼惆悵別征車  
自我聞堂後相依未一年所懷多不盡有待或徐宣  
遂尔匆々去誰將耿々傳諸君能自得定不藉言詮  
雅憐維繫意決去定非情其奈多憂患難為久合并  
相孚在志氣不隔有神明他日學成後扁舟慰老生

游寶月壇

喬木蒼然古樹疑孝肅遺遙青接員屋新綠滿清池  
天曠定無暑地偏足自怡老夫興疾過聊以慰支離

登閔江樓

端州城市裡偏側不成教突兀樓臺起蒼茫眼界寬

江天落襟袖烟雨幻林巒尚有六函碣摩挲蘚石看

七星巖

天帝當年啟大樽七星羅列似兒孫洞門尚有歌鐘  
在石室將無秘錄存自昔湖山烟水濶于今阡陌草  
萊熱何嘗反復謠黃鵠用馮瀛江春漲痕

謂瀟湖也  
說見屈氏

新語

白石伊誰巧琢成離奇變幻有神明乳泉上接天漿落  
斗枋遙疑石笋擎山鬼空中驚爆竹詩人傍午作題  
名老夫塞足徒惆悵病後探幽不勝情

莖浦渡江來視疾

蕭晨病榻意凄然  
剝啄驚來吾友船  
春雨奄々生趣  
畫相看同喚奈何天

白髮猶然動殺機  
中央四角校盈虧  
先生正恐心兵  
門馮軼休輕用指麾

新會張明府惕菴以予將去粵有諸生無福之  
嘆予皇恐不敢當也

泰山不作文昭逝  
方信人師絕世無  
自分衰殘天所  
廢敢耽棧豆誤生徒

孤負賢侯屬望奢  
幾時帶草盡開花  
鯁生量力知無  
補只合焚香祀白沙

院中舊無先賢栗主予始創  
祀白沙先生以下二十一人



一年鼓動終無術因病逃閑亦見機誰變秀才為學  
究此中罪責有攸歸

梁父主生元父歿泰山秘冊定誰詳故人愛我將無  
過欲卜天心恐渺茫

時君謂子必不火以  
所蘊未盡暴于世也

### 肇慶訪故宮

當年草：搆荒朝五庫猶然鬥口囂一夜桂花零落  
盡沙虫猿雀總魂消

辛苦何來笑澹翁編行堂集玷宗風丹霞精舍成年  
譜又在平南珠履中

丹霞精舍在南雄予嘗謂澹翁  
在五庫中非瑞士不待為平

南作年譜而始  
一敗塗地也

天湖慶雲寺

天湖本名頂湖相傳有湖在山頂今山頂無  
湖但平地耳或者海桑之變耶翁山則以瀑  
潭為湖亦近之村夫子不知乃以為鼎湖而  
引黃帝弓劍之跡以附會之妄矣予病後將  
去粵諸生請入山因再宿漫成古詩三十二  
韻

明鏡本無臺菩提本無樹天湖本無湖莫問濫觴處  
放舟羚羊峽取道大蕉園遙青四十里知是白雲源  
路曲捨宅曹洞擬羊腸林深怖虎穴因緣古佛慈膜

拜不睦集梁郎既捨宅曹洞遂傳衣一自棲壑來弓  
冶盛軍持山花不識名各々吐香氣山鳥啼其間登  
然感春意從行二三子捷足善探奇而我已頽然扶  
掖仗闍黎努力躋絕頂端州如彈子一帶瀕江泥渺  
然清滄耳俯睇七星岩蒲伏來朝宗或曰彼涇湖原  
與天湖通天湖今已平涇湖漸亦開伏見均有時開  
塞定一氣更陟大龍湫飛瀑滿空山清入人心脾寒  
動人髣髴其餘諸小潭環拱尚八九或曰是皆湖未  
知果然否山僧愛敬客啜我白雲茶肺腑滌塵氛齒  
頰吐香花坐久移我情疑與下界隔轉嫌嵐氣濃鷗

鵠催歸客阿誰不學者妄託軒轅遺謂是攀髯跡  
謬語真無稽老夫病愁餘百事已心灰一榻借諸天  
五言授侍史未能寫清勝聊以正圖經他日討文獻  
謬謬庶有徵

向來有山志然  
語者殊不足觀

天湖石船歌

烏州石船僧見屈氏新語是山則  
未之聞也事見登封景氏菴集

天湖有石船夜半誰負去將無天湖涸石船因失據  
飛行同怪山長逝不知處我作天姥詞欲以逋徒御  
湖通船亦歸我便浮家此中住

天湖杜鵑花盛開

殷紅長明燈化作杜鵑血方知長至後已踰百七日

故鄉石窓下五色正蔥蒨

天湖之稱不知所出近從獨曉詩方知以桂王  
得名也

當日小朝廷湖山別署名尚傳亡國痛敢為望藍榮  
浩劫幸垂盡慈雲慶永清遺民詩史在莫罄額天情  
萬年果

天湖萬年果稽含狀朶具相傳石洞生或有石髓注  
我昨來山中偶拈澄結句乞靈古先生詰朝倘有遇

白沙岡訪枕柳亭

今高要人所呼為龜峯者

習之昔南邁言登茲山阿故人題名在感舊我婆婆

今我亦來過望雲感竊寓為尋枕柳亭不見枕柳樹

研路

昔人研材是處有其後僅稱端與歛端既盛行歛亦  
裏羶羊日苦鉅鑿及年來端產亦告盡竭澤而漁告  
不給厲階徒為有司梗生者不數采者急石工因之  
競售欺冬花無孰青花誰孤冢誰招常侍魂清風  
莫朔包老笑有司之困縱其情亦應稍為地脉攝是  
誰為我告 天子封山罷貢芝安緝鸛鶴夜眠曉  
不驚水雲重吐新蕉葉

甘竹灘鱗魚歌示梁新謝氏申黃文

我聞甘竹灘在昔本盜巢三忠竊因之思以延小朝  
其時鱗尾愁探丸驚周遭清流無恬鱗時物避腥澤  
太平踰百年滄波亦逍遙何況彼荏苒有不化樂郊  
牧人夢繁殖笙詩奏豐饒相望海目山比屋皆漁舸  
下灘與上灘肥瘠各分曹誰言風物異頗不下金焦  
大江以南金山之鮓為最錢江次之粵中以甘竹為最海日次之眾師乘急般來逐

九江潮為我細指語其口中櫻桃粉顏斯已劣鐵顏  
不待嘲其要在護鱗比之珍青瑤三眠楊柳枝等以  
入吾庖烹之宜苦笋下之宜新醪膾之尤絕佳蟬翼  
輕雲飄乃知四腮鱸未若茲堪豪

粵鮓終不如吳鮓  
惟膾之獨擅風味

他方不速也 老夫久病慙染指破寂寥以脩益智粽愛其

多芳膏諸生正格物登堂紛詎咨是魚名氏多五雅

未盡釐在古本曰鮓周公曾記之在今或曰鮓集韻

足補遺唯鮓至以春而鮓與夏期一物分二候變化

成差池別字曰當汧郭公箋可稽又或但曰鮓偏旁

亦依希鄧人呼曰箭方言更說奇在粵曰三鮓其通

為三鮓是亦見舊經埤蒼誤為鮓

鮓鮓二字音之通也見爾雅郭氏曰

未詳而埤蒼誤以為鮓今粵語曰三鮓不過銅鼓洲乃知鮓即鮓也是足補爾雅注疏

自此更

逆流不越銅鼓西老夫一笑聚洽間良足資惟是審

名物奚事細碎為由來磊落人屑、非所宜泝儂年



少時魚亦紛披近欲比羅願遠將跨陸璣年來百

不能冥心已嫌遲但當食蛤蜊餘事安所知遙望甘

竹灘罨經掛晴霓

甘竹灘袁余龍嘗受陳張諸公之爵國初被勦

羚羊峽

萬壑自西來奔騰不可迴中流成阨塞傑閣起崔嵬

謂閩江樓

思婦牢愁寄

謂望夫石

勞臣榮戟開羚羊窺塔大樹

角到林隈

澶川訪海目先生故居

江洲好兄弟宮相以詩鳴

侍郎江洲先生詩明白沙之學

為過澶川

宅水雲明且清風騷今道喪池樹亦塵冥太息斯人

逝誰為發地靈

粵中詩人如五家三家多出東門其自端而西唯海目父子一門

嘉魚

嶠南雖澤國頗苦食無魚入市盡凡品荐盤乏芳腴  
丙穴有佳種賦材良獨殊夷然惡溷濁而獨耽清虛  
元霧供茹吐青苔飽有餘炎天偶見雪尤屬性所娛  
置身遠潮汐因之謝泥淤是在高士中井丹足並駟  
初冬木葉脫離江氣蕭疎十里小湘峽夾岸皆罾罟  
蜀魚乘春出以待漲水瀕粵魚乃冬游以待潦水枯  
吾獨憐是魚待時始一出一出遇危身豫且同剝裂  
何不老石潭誰得窮其窟行矣尚遠歸見幾莫終日

馮生元才家順德屬之訪李抱真先生畝猶然  
殊恐其難得也

李公學道人閑情作畫師相傳小廬山沙翁曾賞  
之吾家繡薑鼠四出不敢支乞靈得一卷潛伏倘有  
時購之不敢用吳藍李公之函直百緡

吳中以  
藍易緡

增城荔子

新州香荔已堪推掛綠東來更絕佳况有嘉名以久

重當年曾入尚書懷

以甘泉翁故有  
尚書懷之名

泮柯江上偶然作

泮柯怒濤亘萬里東江亭口不可磯桃花新漲忽山

五一點塔火遙燾微

春未佳絕木棉花夾岸紅萬本賒此是承平好燈

火誰將烽燧向人誇

木棉花是烽樹尉它語也

古榕高與碧霄參正以中虛內美舍長為不材蒙訕

諛就中誰識有伽侖

伽侖往產塔剎中

萬山深處鬼神憑夜半風來楓樹鳴萬地一天雷電

降楓人束帶更垂纓

陸郎湯沐由南嶠帶礪丹書澤未沾天以陸谿長賜

姓不教鍾室起猜嫌

錦石山有陸谿

水枝啖罷又山枝九夏輕紅劈荔時更泥天漿和脂

水女即玉面發華滋

玉欄金井良無輩只恐炎天火易驕莫道黃皮是凡

果為即消熱長神膏

黃皮可以解  
荔支之熱

生成大化定難參物產由來未易諳不料赤龍都會

地筋奴反以背陽甘

荔以向日者  
佳龍眼反是

山裁龍目水龍鬚別有屠龍絕伎殊扶取靈眸供火

嚼攀髯一夢已遙々

高要金渡村  
有龍鬚席

女青百尺經冬茂貞婦門前合取裁亦有男青人不

識此花或為義夫開

東三峽更西三峽最愛靈山寺水清活火寒流烹諫

果侍即夢醒解餘醒

陳村水比鏡湖清  
豆酒新陶一百瓶  
只恐南中灰力健  
願即飲少為尊生

連朝夏課莫須增  
可怕炎威易鬱蒸  
何物為郎助清興  
夜來新製素馨燈

思夫村裏愁雲生  
望夫山下哀泪盈  
未若聞風岩獨好  
駕尖雙岩有妃夫石共目成

西樵山中茶事好  
最愛茶娘淑且閑  
秋胡問道嘿不答  
時有瀑泉掛髻鬟

端州白石淨于玉  
端州錦石爛如雲  
黃岡十里皆石

戶女郎止泰運琢助

結綺亭下是儂家雪後沙螺舊所夸度嶺相逢重道  
故南烹此足擅清華

農家早潦最閑情共卜田雞上已鳴莫似翁山呼作  
蛤介虫將與羸虫爭

莫采廣寧員嶺笋迷人九十九條坑若許長年啖玉

版終迷亦是老吾生

粵之笋多苦者  
二句乃粵語也

七星岩裏花蝙蝠五色迷人双目睛不減羅浮火蜩  
蝶仙風習々更通靈

杪春鱮白化為鯖正逐刀魚上市時試向漁家一问

訊家：灌葉瞻薑絲

鱸魚之在粵者多以鱸魚化而隨鱸魚出

極林村裏貢香柑道是如來信手拈莫訝柔荑竟奉  
曲前身鉤弋不須占

西江前去路屯邇旅客行旌未易前即到夜深須警

醒戒心尤在夢香船

夢香以破布葉之藥解之

春日春閨樂不支妍魚妹蜨競芳姿謂郎何事催妝

急且賦糖梅糖欖詩

粵婦以糖梅為干婦之贊次之糖欖

江門謁陳文恭公祠因訪文恭服玩遺器各賦一

首

碧玉老人太古心碧玉老人太古音老人去我三百



魚書卷一  
載許我登堂撫石琴

碧玉文  
恭棲名

### 右石琴

玉臺巾製已無存  
湛子猶傳葵笠尊  
有客切雲冠界  
兀白頭訪古到江門

右玉臺巾  
文恭詩曰唯有白頭豁裡影至今  
猶戴玉臺巾是也  
甘泉以葵笠授弼唐為傳  
衣即所云心性冠是也

石翁曾繡自然裳  
付授甘泉永勿忘  
我亦荷衣更芟  
製摩挲襟檻迥餘芳

### 右自然裳

圭峯石上三茅君曾為講堂供奉殿今日陽春松淑  
者何當分策管城勛

右茅筆

蘭橈桂楫亦已遠玉色金龍倘可從如聞先生扣舷  
和春水汨々雲淙々

右光風艇文恭及門伍君光宇所作也

寶查村蕉布歌

唐志端湖皆以入貢今端惟寶查廣利二村  
有之

珠娘怨甘蔗長作風雨聲縹以緯黃熟天孫見未曾

當年貢天府舊史最有名近日尤矜貴市司罕所登  
由來纖纖手經年始織成但以私其夫庸清更神清  
客從寶查來貽贈忽數尋用之作涼幃不翅貴而金  
儂衾如蕉葉儂便作蕉心展轉相什襲炎威遠不侵  
中夜夢殘時簪溜滴有聲喚醒帳中魂與之共清吟

### 慈元陵

高曹向孟均賢后尚有芳魂殉落暉一洗簽名臣妾  
愧虞淵双抱二王歸

### 題故都督傳示容生勅

戊子翻城事可哀最憐故督是奴才已成負國誰辭

咎浪欲歸朝竟致災豈有遺民俱不改妾將大節漫  
相推桂林殘史猶堪証曾受襄平封冊來

擬于冶春詞

尉它魁結亦風流曾作重三被水游歌舞岡頭蘭芍  
畫鷁鳴獨自唱荒陬

秦女南來萬五千武王奇策亦奇緣至今越女多秦  
種可有鳴、舊曲傳

誰製花枝肇鑑銘回環宛轉似天成由來嶠外閨人  
巧嫵女都能解四聲

番山剡去禺山削南漢荒唐不待論只合三春明月

夜花田花下吊花魂

聞道西江女土司兵符親報擅奇姿滿堂記室承顏  
色獨愛東州海雪詩

吳淞女子思報國擾亂南中竟數年多少降臣蒙面

或不如柔濮一婢娟

謂李成棟之姬也

丁敬求予揭光孝寺千佛塔記詩以答之

訶林癡絕降王塔官者名連髡者傳寒鐵千秋遭穢  
筆不須更玷蜜香箋

張新會惠葵扇

江門葵田適阡陌員葉扶疏幾四尺長夏能噓長養

風涼不傷人在溫克江門工師剪裁精被暴兼資水  
火力居然大雅成柔嘉蠲煩解躁有令德由來葵座  
異百材入火不焦最雄特天蚕之絲紉以精棕竹之  
枝惠且直青銅為扣玉為板鶴耶鷺耶都減色南方  
赤帝赤幪怒一遇此君都冰釋此物流遺自幾時相  
傳典午陪巾幘物經王謝絕風流況在炎洲尤任職  
老夫久病熱惱侵安得卧冰揮素琴江門使君愛我  
深貺以双扇清塵襟願君推此甘棠陰、大陽永互  
酌斟大洗愆伏慰我心

濠畔偶成

此中舊是小秦淮油壁香車處、排客自十三行口  
至定情先下寶珠釵

卽君各、擅春濃欲卜良緣安所從試祝堂前金孔  
雀但教命中卽乘龍

波羅江上浣輕紗更有波羅新樣麻攜手波羅廟下  
去波羅蜜已大于瓜

夜來香以夜來甜卽若夜來香更添只恐不來孤負  
甚望穿花影動前簷

柳因顧媚與玉微舊院遺民世所希天末朱棲安遠  
嬌板橋誰爲志芳菲